

## Служба святителю Гавриилу (Городкову), архиепископу Рязанскому (3 января, н.ст.)

на Господи воззвах стихиры предпразднства 3 и святителя, глас 6.

Весь освящен Богоносец показася, / помазание Божие святое, /  
Святым Духом обложен: / и светло входя вину / во святая святых, /  
Богоначальными светлостми озаряемь, / благодати причащася / святых  
таин, / яко истинный святитель преславен, / со дерзновением моляся / о  
душах наших.

Просветися житие твое / добродетельными светлостми, / верныя  
просветил еси, / и лести тму разгнал еси, / истинное бо явился еси  
светозарное солнце, / святителю преблаженне Гаврииле, / и ныне,  
вселился еси, / идеже сияет свет невечерний, / и сын дне благодатию  
Духа Святаго быв. / Темже твою Божественную память и светносную /  
честно совершающе приснопамятне, / любовь почитаем.

Ум твой мановением еже к Богу, / Богомудре, верою удобряемь, /  
светел явился всеславне, / в мертвенном теле и тленном, / премудре  
нетлению поучився, / притяжал еси безплотных светлости, / и страстей  
вне быв, / безстрастием украшася, / Гаврииле, отче святителю  
премудре, / светлый светильниче, / и молитвенниче о чтущих / любовь  
память твою.

Слава, глас 8:

Доблестей твоих, преподобне отче, плод просветил есть верных  
сердца: кто бо слыша безмерное твое смирение, терпению не удивися,  
еже к нищим тихости, к скорбящим утешению, вся Боголепно научил  
еси святителю, Гаврииле, и ныне неувядаемым венцем увязлся еси:  
молися о душах наших.

И ныне, предпразднства.

Вход. Прокимен дне.

### 1. Притчей чтение.

Память праведнаго с похвалами, и благословение Господне на главе  
его. Блажен человек, иже обрете премудрость, и смертен, иже уведет  
разум. Лучше бо сию куповати, нежели злата и серебра сокровища.  
Честнейшая же есть камней многоценных, все же честное недостойно  
ея есть. Долгота бо дней и лета живота в деснице ея, в шуйце же ея  
богатство и слава. От уст ея исходит правда, закон же и милость на языке  
носит. Послушайте убо мене, о чада, честная бо реку, и блажен человек,

иже пути моя сохранит. Исходи бо мои – исходи живота, и уготовляется хотение от Господа. Сего ради молю вас и предлагаю мой глас сыновом человеческим: яко аз, премудрость, устройх совет, и разум и смысл аз призвах. Мой совет и утверждение, мой разум, моя же крепость. Аз мене любящая люблю, ищущии же мене обрящут благодать. Разумейте убо, незлобивии, коварство, ненаказанныи же, прилагайте сердца. Послушайте мене и паки, честная бо реку, и отверзу от устен правая, яко истине поучится гортань мой, мерзки же предо мною устны лживыя. С правдою вси глаголы уст моих, ничтоже в них стропотно, ниже развращенно. Вся права суть разумевающим и проста обретающим разум. Научу бо вас истине, да будет о Господе надежда ваша, и исполнитесь Духа.

## **2. Премудрости Соломони чтение.**

Уста праведнаго каплют премудрость: устне же мужей мудрых ведут благодать. Уста мудрых поучатся премудрости, правда же избавляет их от смерти. Скончавшуся мужу праведну, не погибнет надежда. Сын бо праведен рождается в живот, и во благих своих плод правды обымет. Свет праведным всегда, и от Господа обрящут благодать и славу. Язык мудрых добрая свесь, и в сердце их почиет мудрость. Любит Господь преподобныя сердца, приятни же ему вси непорочнии в пути. Мудрость Господня просвещает лице разумнаго. Постигает бо желающия ю, прежде даже разумети ю, и удобь узрится от любящих ю. Утреневавый к ней, не утрудится, и бдяй ея ради, вскоре без печали будет. Яко достойных ея сама обходит ищущи, и во стезях ея является им благоприемне. Мудрости никогдаже одолеет злоба. Сих ради и рачитель бых доброты ея, и возлюбих ю, и поисках от юности моя. И взысках невесту привести себе, яко всех Владыка возлюби ю. Таибница бо есть Божия хитрости, и обретательница дел Его. Труды ея суть добродетели: целомудрию же и разуму та учит, правде и мужеству, ихже потребнее ничтоже есть в житии человеком. Аще же и многого искусства желает кто, весть древняя, и быти хотящая разсмотрит: свесь извития словес, и разрешения гаданий, знамения и чудеса проразумеет, и сбытия времен и лет; и всем советник есть благ, яко безсмертие есть в ней, и благославие во общении словес ея. Сего ради беседовах ко Господу, и помолихся Ему, и рех от всего сердца моего: Боже отцев и Господи милости, сотворивый вся словом Твоим, и мудростию Твоею устройвый человека, да владеет бывшими от Тебе тварьми, и да управляет мир в преподобии и правде. Дажь ми Твоих Престолов приседящую премудрость, и не отлучи мене от отрок Твоих, яко аз раб Твой, и сын рабыни Твоя. Посли ю с Небес от святого жилища Твоего, и от престола славы Твоя, да сущи со мною научит мя, что благоугодно есть пред

Тобою, и наставит мя в разум, и сохранит мя в славе своей. Помышления бо смертных вся боязлива, и погрешительна умышления их.

### **3. Премудрости Соломони чтение.**

Похваляему праведнику, возвеселятся людие: безсмертие бо есть память его, яко от Господа познавается и от человек, и угодна Господу душа его. Возлюбите убо, о мужие, мудрость и поживете, восхощите ея и наказани будете: начало бо ея любви и соблюдение закона. Почтите премудрость, да во веки царствуете. Возвещу вам и не скрюю от вас таин Божиих. Яко Той мудрости наставник есть, и мудрых исправитель, и всякому смыслу и делу хитрец. И всем смыслом научит мудрость: есть бо в ней дух разумен и свят, и сияние света присносущнаго, и образ благодати Божия. Та други Божия и пророки устрояет. Благолепнейши же есть солнца и паче всякаго сотворения звезд, свету сосуждаема обретается первейши. Та угождающих ей от болезни избави и настави на стези правыя. Даде им разум имети свят и сохрани я от ловящих, и подвиг крепок подаде им. Да разумеют вси, яко сильнее всего есть благочестие; и никогдаже преможет злоба мудрости, ниже преидет злыя обличающи суд. Рекоша же в себе, помысливше неправедно: насильствуем праведному и не пощадим преподобства его, ни усраммимся седин старости многолетны. Будет бо нам крепость закон, и уловим праведнаго, яко неугоден нам есть, и противится делом нашим, и поносит нам отпадение закона, и обличает нам согрешения наказания нашего. Возвещает нам разум имети Божий и отрока Господня себе именует. Бысть нам на обличение помышлением нашим и тяжек нам есть, и видим, яко неподобно иным житие его и изменены стези его. В поругание вменихомся ему, и удаляется от путей наших, яко от нечистот, и блажит последняя праведных. Увидим убо, аще словеса его истинна суть, искусим, яже сбываются ему. Руганием и мукою истяжем его, да разумеем кротость его, и искусим беззлобство его, смертию безобразною осудим его, будет бо посещение от словес его. Сия помыслиша и прельстишася: ослепи бо я злоба их, и не разумеша таин Божиих и не разсудиша, яко Ты еси Бог Един, живота имеяй и смерти власть, и спасаай во время скорби, и избавляяй от всякаго зла. Щедр и милостив, и давай преподобным Своим благодать, и Своею мышцею гордым противляяйся.

### **На стихóвне стихíры, глáс 8:**

Святíтелю Гаврииле, разúмнаго свéта зарé, церкóвное светíло, святíтельская красотó, íноческаго пóстнаго жити́я íстовое прáвило: нáм же застúпник явíлся есí, свобождáя от губíтеля врагá дýшы нáша.

**Стíх: Честнá пред Гóсподем смéрть преподóбных Егó.**

Святителю Гаврииле, великую власть от Бóга приял еси́, мно́жество лука́вых бесо́в моли́твою твоёю отгна́л еси́, и си́х озлобле́ния от все́х ве́рою к тебе́ притека́ющих.

**Сти́х: Чтó возда́м Го́сподеви о все́х, я́же воздаде́ ми́.**

Святителя вели́каго Гавриила, ка́ко досто́йно воспоём, честна́го ума́, Богоза́рнаго све́та, освеща́ющего нас, и Божество́нный ра́зум пода́ющего, та́ин глубинных испове́дателя? согла́сно вси́ рце́м: ра́дуйся о́тче о́тцев, Гаврииле.

**Сла́ва, глас 8:**

Ты́ еси́ па́стырь до́брый и учи́тель те́плый, святителю Гаврииле, ты́ всегда́ похваля́юще вопие́м: тобо́ю Бо́г украси́ це́рковь свою́, и те́ло твоё́ многоле́тно покрове́нное в земли́, нетле́нно яви́ лю́дем своим. Те́мже не преста́й моля́ся о хва́лящих тя́, и чту́щих па́мять твою́, проси́ оставле́ние грехо́в, и спасе́ния душа́м на́шим.

И ны́не, предпразднства

**Тропа́рь, глас 5**

Веро́ю и правдо́ю Бо́гу служа́, сниска́л еси́ любовь па́сты Рязанския́, Гаврииле Святителю́, до́брый па́стырю́ словесных овец. В го́дину испытаний алчу́щих пита́л еси́, икону́ Богома́тере Зна́мение, «Корчемно́ю» имену́емую, я́ко источник неоску́дный утешения́ па́стве свое́ю указа́л еси́. И ны́не моли́ся о нас приле́жно, чту́щих святу́ю па́мять твою́.

Сла́ва, и ны́не, предпразднства

**На у́трени,**

на Бо́г Госпо́дь, тропа́рь то́йже.

По 1-й каф́исме, седа́лен, глас 1.

Служите́ль бы́в Христу́ вся́ческих Влады́ще, научи́л еси́ лю́ди, и просвети́л еси́ Божество́нным креще́нием, к разуме́нию сего́ наста́вль святителю́: те́мже пропове́дника ты́ и́стины вси́ имену́ем, святителя́ и уго́дника Христо́ва.

Сла́ва, и ны́не, предпразднства.

По 2-й кафісме седа́лен, гла́с 4:

От юности взѣм крѣст тво́й, благочесті́вно Христу́ послѣдовал еси́, увяді́в плотско́е мудрова́ние воздержáнием: тѣмже на святі́тельством седа́лищи сѣд святі́телю, возвелі́чил еси́ Влады́ку, и Того́ Пречі́стую Ма́терь, разлі́чными дарова́нии твою́ украсі́вша ра́ку, Гаврииле, Богоблаже́нне.

Сла́ва, и ны́не, предпразднства.

По Хвалі́те і́мя Господне:

**Велича́ем тя́ святі́телю о́тче наш Гаврииле, и чтѣм святу́ю па́мять твою́: ты́ бо мо́лиши за нас Христа́ Бо́га на́шего.**

Псалом избранный: Услы́шите сія́ всѣ́ язы́цы:

**По полиелѣи седа́лен, гла́с 8.**

Над страстьми́ ца́рствовав плотскі́ми, святі́тель яви́лся еси́ Богоподобен, и па́ству твою́ пресла́вно упасл еси́ преподо́бне: крещѣ́нием же просветі́л еси́, и наказáл еси́ сла́вити еді́наго Бо́га в три́х ипостáсах: тѣмже источáеши исцелѣ́ния и по конч́ине, вѣроу приходя́щим ко святѣ́й Бо́жией цѣ́ркви, и к ра́це мощѣ́й твоі́х, святі́телю Гаврииле, моли́ Христа́ Бо́га, согрешѣ́ний оставлѣ́ние подáти чту́щим любóвию святу́ю па́мять твою́.

Сла́ва, и ны́не, предпразднства.

Степѣ́нна, 1-й антифóн 4-го гла́са.

Прокі́мен: Уста́ моя́ возглаго́лют премудрость, и поучѣ́ние сѣ́рдца моего́ рáзум.

Сті́х: Уста́ пра́веднаго поучáтся премудрости:

Вся́кое дыха́ние:

Ева́нглие, святі́тельское, [пи́сано в концѣ́ кн́иги сея́.]

По 50-м псалмѣ́ стихі́ра, гла́с 6:

Наслѣ́днице Бо́жий, соприча́стниче Христовъ, служи́телю Господень, свя́те Гаврииле, по і́мени тво́ему́ та́ко и житі́е твоѣ́: просия́ бо се́діне рáзум, свидѣ́тельствоваше свѣ́тлость лица́ твоего́ душе́вное незло́бие, извѣ́ствоваше крóтость, сло́ва молчали́вое. Жі́знь тво́я сла́вна, и успѣ́ние со святы́ми: моли́ о душа́х на́ших.

### Пѣснь 1.

Ирмосъ: Яко по сѹху пешешествовав Израиль, по бѣдне стопами гонителя фараона, видя потопляема, Богу побѣдную пѣснь поим, вопияше.

С вѣшними лики яко святитель, яко Божий служитель предстоя, о нас прилежно молися, получитьи нам вѣчная благая молитвами твоими.

Избранъ бывъ Господеви служити честному Еванглію, блаженне Гаврииле, во благоразуміи люди, учении премудрыми отче, возрасти еси.

Разумомъ Божиимъ обогащся, слово животное от сердца источил еси, напоая души оледѣвша страстьми, премудре святителю Божий Гаврииле, Богоблаженне.

Богородичен: Священный ликъ пророческий проявляше издавѣча хотящую Тя быти Божію истинную родительницу чистая, вѣшшую херувимъ и всея твари.

### Пѣснь 3.

Ирмосъ: Нѣсть святъ, якоже Ты Господи Боже мой, вознесый рогъ вѣрныхъ Твоихъ, блаже, и утвердивый насъ на камени исповѣдания Твоего.

Искапая Божественную сладость изъ устенъ твоихъ отче, и горькаго безбожия изсушил еси капли, напоивъ благочестивыхъ питіемъ Божіаго разума, блаженне.

Божіимъ судомъ произбранъ бывъ, святитель показался еси, безкровныя жертвы Богу принося, пожершемуся насъ ради, отче святителю Гаврииле.

Гробъ, идеже лежитъ честное тѣло твоѣ, благовоніе источаетъ яко райъ Божій, облагоухая вѣрныя, святителю преславне и всечестне, Гаврииле.

Богородичен: Разумѣти рождества Твоего чистая, неизреченныя глубины недоумѣетъ умъ человѣчь: Богъ бо себѣ смиливъ щедротъ ради, во чреве Твоемъ всего мя обновѣ.

Кондак и икосъ предпразднства.

## Седáлен, глáс 4.

Правовѣрно, преподóбне, цѣрковь Христо́ву упáсл есѝ, и еретическѝя отгнáл есѝ горькѝя плéвелы, в вѣшних водворяешися блаже́нне.

Слáва, и ны́не, предпразднства.

## Пѣснь 4.

Ирмóс: Христóс моя́ сѝла, Бóг и Господь, честнáя цѣрковь Боголéпно поётъ взывáющи, от смýсла чѝста, о Гóсподе прáзднующи.

Ты́ исполнен Свята́го Дýха, священнѝй óтче Гаврииле, лука́выя дýхи от человек отгнáл есѝ, вѣрны же духовными учéнии тво́ими сотворѝл есѝ.

Едѝницу несоздáнную благослóвил есѝ, трéми лѝцы разделяему, непресекóму и несмéсну, просвещáя благочестѝвыя священными Богослóвии тво́ими.

Умертвѝв пѣрвее плотскáя мудровáния воздержáнием и труды́, святѝтель Божѣствен показáлся есѝ, и предстáтель Трóице всесвящен.

Богорóдичен: Клáтва разорѝся прáбабня тобо́ю, Богомáти: ты́ бо нáм Пречѝстая, Источника породилá есѝ, святѝни присносúщнаго животá.

## Пѣснь 5.

Ирмóс: Бóжиим свѣтом тво́им, бла́же, ўтренюющих тѝ дýшы любóвию озарѝ, молю́ся, ты́ вѣдети, слóве Бóжий, ѝстиннаго Бóга, от мрáка грехóвнаго взывáюща.

Бóжия Божѣственне совершáя, и чистѣ́йшим пóмыслом чѝстым прикасáясь, непорóчен явѝлся есѝ, служá Бóгу, я́ко Бóжий святѝтель священнейший.

Їдольстѝи угóдницы бѣ́ша угóдницы Бóгу, тво́ими учéнии честнѝми, ѝхже от недостóйных изымáя, достóин явѝлся есѝ угóдник Бóгу вседержѝтелю.

Благодáтию призван бѣ́в, разрушѝл есѝ безбóжия ѝдольская, одождéнием словéс тво́их преподóбне, оляденѣ́вшая сердца́ плодонóсна соделал есѝ Бóжиею благодáтию.

Богорóдичен: По рождествѣ Твоѣм страннем пребыла еси Дѣвою, якоже прѣжде: Бóг бо бѣ рождѣйся, и претворяяй вся волю, безмужная Маріе Богоневѣстная.

### **Пѣснь 6.**

Ирмóс: Житѣйское мóре воздвизáемое зрѣ напáстей бурею, к тѣхому пристáнищу Твоемú притѣк, вопию Ти: возведи от тли живóт мой, Многомíлостиве.

Язы́к тво́й дýхом изъощрѣн разу́мно, яко трóсть скоропíсца, написа в сердца́ благочестíвых слово́ благодáтное, всесвященне́ о́тче, Бóжиим мановѣнием.

Божѣственным поучáясь, яко входя́ в мýсленная святáя святýх, вѣрных соверша́еши дýхом, Трóическою зарёю священны́й о́тче всесовершенство́й, Гаврииле.

Стру́ями велѣний тво́их заградíв мýтная нечестíвых велѣния, яко рекá показáлся еси́ мíрная, благочестия́ напо́яя составлѣния вѣрных, святителю́ всечѣстне.

Богорóдичен: Сло́во во чрѣве Твоѣм вселíся без се́мене, и Человѣ́к явíся совершен, обновля́я естество́ Боголѣ́пно, якоже Сáм вѣсть е́дин, Богопрíятная Отрокови́це всенепорóчная.

### **Кондак глас 3-й**

**Христа измлада возлюбивый еси, Тому любвию последовал еси, мудростию душу свою питаю, сана Святительскаго удостоен был еси, паству Рязанскую, от Бога ти данную, усердно окормлял еси, Гаврииле Святителю, не престай моляся о чадах твоих, да вси честную память твою радостно почитаем.**

И́кос: Лѣнóстию окаянный аз отпадóх, и в смѣ́рть усну́х: но яко пáстырь дóбр воздвígни мѧ́ о́тче, и стра́сти моя́ успí, злѣ́ мýчащия мѧ́: яко да востáв чíсте воспою́ твоѣ́ светонóсное торжество́, ё́же Влады́ка вселѣ́нныя прослáви досто́йно, яко раба́ вѣрнейша, и яко учителя́ премýдра, яко дру́га и тайнника, и яко стро́ителя сво́их предáний, я́же дóбре сохрани́л еси́, пома́зание несквѣ́рное, Гаврииле, премýдре, прíсно моли́ непрестáнно о́ всѣ́х нас.



## Пѣснь 7.

Ирмосъ: Росодательну ўбо пѣщь содела ангел преподобным отрокомъ, халдеи же опаляющее веление Божие, мучителя увещая вопити: благословен еси Боже отец наших.

Просвещаемъ духовною благодатию, яже к Божественному мановению причащению, светодательная был еси звезда, просвещая мудре поющыя: благословен Бог отец наших.

Святѣйшая цѣрковь бывъ, озаряема добродѣтельными деянии, живущу имѣл еси в тебѣ священне Троицу несозданную, вопия: благословен Бог отец наших.

Дреманіе от очию отринувъ, Божественными бодростыми, Божия сияния приѣл еси от ангела свѣта, столп и подпоръ вернымъ, святителя истинна совершающа тя.

Богородичен: Седяй в недрах родителя неописан, в недрах Твоихъ, Пречистая, ныне сидитъ описан, Твоимъ обложенъ зракомъ, за спасение Адамле описан бывъ.

## Пѣснь 8.

Ирмосъ: Из пламене преподобнымъ росу источил еси, и праведнаго жертву водою попалил еси: вся бо творѣши Христѣ, токмо еже хотѣти. Тя превозносимъ во вся вѣки.

Гордаго змѣя смирениемъ твоимъ смирил еси блаженне, возвышаемъ к Богу чистыми твоими разумы: темже ты чтимъ, Христа превозносяще во вѣки.

Воплощенно Слово богословил еси, и люди от работныхъ лѣсти спасл еси, отгоняя идольская нечестія, отче святителю Гаврииле, премудре, и Богоносе.

Житіе твоѣ Владыце твоѣму имѣя подобно, и слово житію имѣя подобящееся, исполненъ бывъ дней духовныхъ отче, в вышняя прешел еси покаяща.

Богородичен: Избавльшеся первыя клятвы Твоимъ рождествомъ, преблагословенная Отроковице Богорадованная, гласъ Гавриїловъ возсылаемъ Ти: радуйся вина всехъ спасения.

## Пѣснь 9.

Ирмосъ: Бѣга человекомъ не возможно видѣти, на Негоже не смѣютъ чини ангельстии взира́ти: Тобо́ю же, Всечы́стая, явѣся человекомъ Слово воплоще́нно, Егоже велича́юще, с небѣсными вои Тя ублажа́ем.

В зѣмлю крѣпкихъ ты всели́лся еси́ святителю, крѣтокъ и незлобѣвъ бывъ, с вы́шними совокупля́ся во́инства: весь укра́шенъ добродѣтельными свѣтлостями, и свѣтомъ добродѣтелей преодѣянъ.

Зри́ши Бѣжия и ангельскія свѣтлости, патриархъ и мученикъ, и апѣстольскія красоты́, моля́ с ними́ Человеколю́бца, оставле́ние грехѣвъ и жити́я исправле́ние дарова́ти намъ преподо́бне, хва́лящимъ тя́.

Я́ве Престо́лъ пе́рвее украси́л еси́ свѣтло, все́хъ председа́ющихъ градо́въ, в немъже пожи́въ я́ко ангелъ, и святите́льствомъ се́й украси́въ, пома́завъ освяти́л еси́, соверши́въ лю́ди Богому́дры.

Богоро́дичен: Я́коже ка́пля небѣсная, во Твое́ чре́во Де́во, до́ждь снѣде, и изсуши́ пото́ки лѣстныя: одожди́ нетле́ние все́мъ человекомъ, и избавле́ние Тобо́ю Богора́дованная дарова́ся.

### Свети́лен

Сла́вно краси́тся днѣсь светоза́рное торже́ство, во свѣте сла́вы лица́ Бѣжия́ предсто́я святителю́ Гаврииле, помяни́ насъ хва́лящихъ твою́ па́мять.

Слава и ныне: предпразднства.

### На хвали́техъ стихѣры предпразднства и святителя, гласъ 8.

Преподо́бне ѡ́тче Гаврииле, / ты́ возше́дъ на лѣствицу́ Божѣственнаго ра́зума, / и к Бо́гу приближа́ясь, / всынѣ́ния да́ръ при́ймъ, / исцѣля́еши неду́ги неисцѣ́льныя, / и отгѣ́ниши ду́хи нечы́стыя: / те́м твою́ па́мь праж́днуемъ, / ра́достию се́рдца, Христа́ велича́юще, / возвели́чившаго Своего́ уго́дника. [Два́жды.]

О́тче чу́дный, Гаврииле, / световидѣ́ниемъ ума́ / чисто́ облиста́емъ, / страсте́й успи́л еси́ / многово́лненное мо́ре, / и безстра́стиемъ лета́я, / чы́стыми крѣ́лы, дости́гл еси́, / иде́же добро́та неизрече́нна и недомы́сленна, / о насъ всегда́ моля́ хва́лящихъ тя́.

О́тче отце́въ, Гаврииле, / свяще́нства пра́вило, / целому́дрія о́бразъ, / мона́шествующихъ крѣ́пость, / це́ркве утвержде́ние, / любве́ свети́льникъ, Престо́лъ чу́ства, / исто́чникъ чудесъ, / и язы́къ огнедохнове́нный: уста́

сладкоглаго́лива, / сосу́д Божественнаго Ду́ха, и разу́мный бы́л еси́ рай Богоблаже́нне.

### **Сла́ва, гласъ 6:**

Преподо́бне и треблаже́нне, святе́йший о́тче, па́стырю до́брый, и началопа́стыря Христа́ учениче́, положи́вый ду́шу за о́вцы, ты́ и ны́не, всехва́льне, Гаврииле, святите́лю, проси́ моли́твами твои́ми, дарова́ти нам ве́лию ми́лость.

И ны́не, предпразднства.

### **Молитва святителю Гавриилу (Городкову)**

О, пречестна́я и священна́я главо́ и благода́ти Свята́го Ду́ха исполненная, Спа́сово со Отце́м обита́лище, вели́кий архиере́е, тёплый наш засту́пниче, святите́лю Гаврииле, предсто́я у Престо́ла всех Царя́ и наслажда́ясь све́та единосущны́я Тро́ицы и херувимски со А́нгелы возглаша́я песнь трисвяту́ю, вели́кое же и неизсле́дованное дерзнове́ние имѣя ко всеми́лостивому Влады́це, моли́ спасти́ся па́сты Христовы лю́дем, благостоя́ние святы́х церкве́й утверди́: архиере́и благоле́пием святите́льства украси́, мона́шествующыя к по́двигом до́браго течѣ́ния укрепи́, град наш и вся гра́ды и страны до́бре сохрани́, и ве́ру святу́ю непоро́чну соблюсти́ умоли́, мир весь предста́тельством твои́м умири́, от гла́да и па́губы изба́ви ны, и от нападе́ния иноплеме́нных сохрани́, ста́рыя уте́ши, ю́ныя наста́ви, безу́мныя умудри́, вдови́цы помилуй, си́роты заступи́, младе́нцы возрасти́, плѣнных возврати́, немо́щствующыя и моля́щияся тебѣ́ от всех напáстей и бед ходата́йством твои́м свободи́: моли́ о нас Всеще́драго и Человеколю́биваго Христа́ Бо́га нашего, да и в день Стра́шнаго Прише́ствия Его́ от шу́ияго стоя́ния изба́вит нас, и ра́дости святы́х прича́стники сотвори́т со все́ми святы́ми во ве́ки веко́в. Ами́нь.